



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno MCCCCXLVII. ad annum MDXXVII.

**Parisiis, 1644**

XX. De tabula officiariorum in choro ponenda, & tempore ingressus in  
chorum, cum diuinum celebratur officium.

**urn:nbn:de:hbz:466:1-15644**

666 CLEMENTS P. VII. CONCILIVM CAROLVS V. IMP.  
FRANCISCVS I. R. FRANC.

ANNO  
CHRISTI  
1527.

uigilet, hincinde, ne quid inordinate fiat, circumspiciens.

Horum autem transgressores, illius horæ, in qua circa  
prædicta exesserint, vel alia maiori, prout transgressionis  
grauitas exegerit, plectatur poena.

### XIX.

Admonemus beneficiatos & alios in sacris ordinibus  
constitutos, qui ad horas canonicas tenentur, vt si oratio-  
nes suas Deo acceptas fore cupiunt, non in gutture, vel  
inter dentes, seu deglutiendo aut syncopando dictiones,  
vel colloquia aut risus intermiscono: sed siue soli, siue as-  
sociati, diurnum nocturnumque officium reuerenter, ver-  
bisque distinctis peragant: ac tali in loco, vnde a deuotio-  
ne non retrahantur.

Quicumque in ecclesia beneficiatus, præsertim de ma-  
ioribus, diuinorum tempore per ecclesiam vel foris cir-  
ca eam deambulando, aut cum aliis colloquendo visus  
fuerit, non solum illius horæ, sed totius diei distributiones  
ipso facto amittat. Et si semel corruptus non destiterit,  
per mensem distributionibus careat: & si pertinacia exe-  
gerit, grauiori poenæ subiiciatur. Regulares, qui in con-  
uentualibus ecclesiis circa prædicta exesserint, superio-  
rum arbitrio castigentur.

### XX.

Constituatur tabula in choro, in qua quid per vnum  
quemque ex canonicis vel aliis beneficiatis, in singulis ho-  
ris per hebdomadam aut maius tempus, cantandum legen-  
dumve sit, describatur. Qui autem secundum quod ibi  
perscriptum fuerit facere per se vel alium neglexerit, pro  
qualibet hora distributiones vnius diei amittat.

Qui in Matutinis & Vesperis, ante Gloria Patri primi  
psalmi, consimiliter in aliis horis, in Missa, ante finem epi-  
stolæ usque in finem, diuino officio non interfuerit, (nisi  
forte necessitate cogente, ac petita ac obtenta licentia,  
discedere oporteat) pro illa hora absens censeatur: saluis  
ecclesiarum consuetudinibus, si quæ forte circa hæc ar-  
ctiores existant. Idem obseruetur in iis qui a principio  
usque ad finem in processionibus non permanserint. Pro  
cuius executione deputetur aliquis, onus habens notandi  
personas singulas, statuto tempore non conuenientes, iu-  
ramento adstrictus agere fideliter, & nulli parcere.

ANNO  
CHRISTI  
1527.

Præcipimus etiam conformiter ad statutum præcedentis Concilii, quod in illis ecclesiis, quibus singulis horis certæ distributiones statutæ non sunt, omnino etiam de grossis fructibus, si opus sit, deputentur: ut iuxta mensuram laboris plus minusve quisque capiat emolumenti. Tollentes prorsus abusum illum, quo in una dumtaxat hora præsens totius diei distributiones usurpat. Et illum, quo præpositi vel decani & alii officiales, ex hoc solo quod officiales sunt, licet actualiter pro utilitate ecclesie non absint, quotidianas distributiones percipiunt.

X XI.

Cum autem, secundum Apostolum, is qui altari servit de altari viuere debet, statuimus ad iuris dispositionem, ut omnes & singuli canonici ecclesiarum cathedralium & collegiarum nostræ prouinciæ, lucentur & percipient post eorum receptionem & admissionem in fratres, grossos fructus, & alios quoscumque suarum præbendarum, personaliter residendo & deseruiendo suis beneficiis, æqualiter inter se distribuendo. Nisi ex fundatione eorumdem locorum speciali & legitima, sufficierenter probata, prædicti grossi fructus pro certo tempore a liis ecclesiis aut piis vñibus, expresse pertineant & deputentur. Damnabilem illam consuetudinem iudicantes, qua in certis ecclesiis prædicti fructus ad certum tempus, in utilitatem cedunt iam receptorum: siue qua cauetur, ut ad certum tempus sint de nouo recepti, expectantes: veram corruptelam & notorium abusum, tales & similes, declarantes per hoc præsens nostrum statutum. Et quoniam dispositione iuris duo canonici assistentes episcopis, seu de familia eorum existentes, similiter & alii priuilegiati, debent gaudere grossis fructibus suarum præbendarum: ideo non intendimus eis præiudicare per hoc præsens statutum, sed volumus eos illibatos conseruare in dictis suis priuilegiis.

Diœcesani statim post dissolutum præsens Concilium diligenter visitabunt breviaria, Missalia, antiphonalia, ac sanctorum legendas. Et quæ deprehenderint in illis superflua, aut non satis pro ecclesiæ dignitate conuenientia, ipsi continuo tollent & resecabunt, & quæ viderint esse necessaria, adiicient.

Concil. Tom. 34.

PPP ij

De distributionibus  
cuique secundum  
mensuram laboris fa-  
ciendis.

Damnamur  
abusus cir-  
caquotidia-  
nas distri-  
butiones.

Damnamur  
confuetudo  
in aliqui-  
bus ecclæ-  
sis inuale-  
scens.

De visitan-  
dis per diœ-  
cesanos  
breviariis  
& Missali-  
bus.